



Minggu, 29 Desember 2024
Ogen: Masmur 90:12



Makeken Kesempatan



Hari lepas hari bertambah-tambah indahna, hari lepas hari aku cinta padanya. Yesus cinta saya ku nanti kedatangNya. Hari lepas hari bertambah-tambah indahna. Bagenda me sada lagu anak sekolah minggu nai, nggejabken kuga wari-wari si bentasi kita i bas Dibata. Kerina paksa ras kesempatan lit i bas tinepa Dibata, Ia simerekenca man banta guna nggeluh ras ngenanami kerina si lit i doni enda. Tapi e pe lit paksana. La kerina seri waktu ras kesempatan man kerina manusia, lit ndekah, lit kentisik e maka arus teptep kalak ngaloken ras ngergakenca alu makeken kerina paksa e alu mehuli.

Pemasmur ngatakenca i bas paksa tenengta enda arus Dibata kepe singajari kita kerna si e kerina. Termasuk, gendek kepe umur geluhta, kuga kita makeken, ngergaken ras ngataken bujur i bas paksa si gendek enda, gelah kerina berarti, ernanam la saja man dirinta, keluarga, kalak si deban bage pe jadi pujin ras malem ate Dibata natap kegeluhen anak-anakNa. Pengangkan ras pengertin si bagenda mabai kita reh pentarna (semakin berhikmat) i bas ngelakoken kai pe. Bagi nina sekalak filsuf tergelar Seneca, *Bukan berapa lama, tetapi seberapa baik kamu telah hidup adalah hal utama.*” Erti ras makna kegeluhenta enda labo soal dekah ntah gedangna geluhta tapi kuga kita ndalanisa ras erguna dengen ernanamna dirinta nandangi kegeluhen enda. Bagi nina pepatah *‘gajah mati meninggalkan belang manusia mati meninggalkan nama’*. Sipakekenlah kesempatan geluh sibereken Dibata man banta. Kentisik ngenca, desken pertukaren jaga malam saja ngenca. Sabab geluh enda kesempatan, ngelai Dibata, ngelai dengen ngkelengi kalak sideban asa ngasup gegehta. Refleksinta i bas pendungi tahun 2024 enda, kuga geluh *‘berkarya ras erguna’* si enggo sidalani. Tetaplah jadilah pasu-pasu.